



Lars Poulsen
Inatsisartunut ilaasortaq, Siumut
inatsisartut@inatsisartut.gl

Tasiilap eqqaani timmisartumik attaveqarnerit, umiarsuarmik pilersuineq ineqarnermullu tunngasut pillugit § 37 naapertorlugu apeqquteqaammut 2025-169-imut akissut

Ulloq: 28-10-2025
Suliap nr.: 2025 - 20677
ID. nr.: 78345876

Asasara Lars Poulsen

Tasiilap eqqaani timmisartumik attaveqarnerit, umiarsuarmik pilersuineq ineqarnermullu tunngasut pillugit Inatsisartut Suleriaasianni § 37 naapertorlugu Naalakkersuisunut apeqquteqarputit. Apeqqutitit uannut akineqartussanngorlugit innersuunneqarput. Apeqqutit matuma kinguliani ataasiakkaarlugit issuarneqarput, akissut kingornanniilluni.

Postboks 909
3900 Nuuk
Tlf.: (+299) 34 50 00
E-mail: box909@nanoq.gl
www.naalakkersuisut.gl

Apeqqut 1. Ukiaaneraniit upernarnissaanut Air Icelandip Kulusuk Islandillu akornanni timmisartuussisarnitik assartuussisarnitillu utitsippatigit, Naalakkersuisut timmisartuussisarnit assartuussisarnitillu unittuuinnginnissaat qulakkeerniarlugu isumaqatigiissuteqarniarpat?
a. Naalakkersuisut ukiuunerani takornariaqarneq, naatitanik nillataartunillu pilersorneqarneq, nalinginnaasumillu timmisartuussinerit unittoornissaat pinaveersaartinniarlugu Air Greenlandi aqqutigalugu pineqartut matussusissallugit pilersaaruteqarpat?

Akissut 1 aamma 1a: Kulusuup aamma Islandip akornanni angallavik Tunumi nunap immikkoortuani pingaarutilimmik inissisimasooq aammalu ukiuunerani angallaviup atorunnaarnera assartuussinissamut angalanissamullu periarfissat ajornerulersinnerannik malitseqartussaasoq, Naalakkersuisut isumaqatigaat.

Angallavik piffissami angallaviunnginnerusartumi niuernikkut imminut akilersinnaasimanngitsoq paasinarpoq, taamaattumik ukiuunerani angallavik Icelandair-ip matusimallugu. Islandip aamma Kulusuup akornanni angallavik sumiifinnut Naalakkersuisut kiffartuussinissamut isumaqatigiissuteqarnissamut inatsimmi tunngavissaqarfigisaanni, nassuiaassummi pineqartunut ilaatinneqanngilaq. Allanik assartuussinissamut periarfissaqartinnagu aatsaat Naalakkersuisut kiffartuussinissamut isumaqatigiissutitut isumaqatiginninniarsinnaapput.

Aningaasanut inatsimmi allaqqavoq ornigassamut tunngaviusut pingaarnerit sisamat malillugit kiffartuussinissamut isumaqatigiissutitut ilusilimmi tapiissutigineqarsinnaasut, tassani:

- taamaanngippat assartuussinissaq periarfissaqartussaanngippat
- taamaanngippat akigititaq pissutaalluni amerlasuut angalasinnaanngippata
- taamaanngippat akulikissusaa akuersaarneqarsinnaanngitsumik akuttuallaassappat

- taamaanngippat angallannerup ilusaata ataqatigiinnera pitsaanngitsuusussaappat

Nuup aamma Kulusuup akornanni ukioq tamaat timmisartuussisoqartarmat, tassunga aamma usinik angallassinissaq periarfissaqarluni, ilanngullugit inuussutissat, kiffartuussinissamut isumaqatigiissusiortoqarnissaa inatsisitigut tunngavissaqanngilaq.

Angallaviup atorunnaarsinneqarnerata ajornartorsiutaanera aamma innuttaasunit qaqqinneqarpoq. Naalakkersuisut tamanna pillugu atsiornernik katersinertalimmik allakkanik tigusaqarput.

Taamaattumik angallaviup ukiuunerani atorunnaarsinneranut tunngavilersuutai paasiniarlugit kiisalu ukioq tamaat angallaviup attatiinnarnissaanut periarfissat misissorniarlugit Naalakkersuisut Icelandair oqaloqatiginiarpaat.

Apeqquut 2. Oktoberimi ukiumut umiarsuarnik pajuttuineq naggataartussatut pilersaarutaavoq, novemberi decemberilu suli imaasaraluartoq. Royal Arctic Linemit umiarsuarnik pajuttuinnermut piffissaliussa q sivitsoqarnissaa Naalakkersuisut piumasarissamaarpaat?

Akissut: Silap pissusaata allanngoriartornera Tasiilap eqqannguani imartap siusinnerusukkut pisartunit sivilunerusumik imaroqqasarneranik malitseqarsimasoq Naalakkersuisut eqqumaffigaat. Ajorluartumik Islandip Kalaallit Nunaatalu akornanni imartaq Tasiilap avataaniittoq suli ukiuunerani anorersuarnit sikoqartarneranillu sunnersimaneqarpoq, tamatumalu kingunerisaanik Royal Arctic Linep umiarsuaannut piffissami tassani imartami angalanissaq suli navianarluni.

a. Ukioq maannamut sivilsuinissaq pilersaarutaava, siunissamilu aaqqiisoqarniarpa?

Akissut: Imaatigut angallassineq qanoq sapinngisamik pitsaanerpaamik silap pissusaata allanngoriartornerinut naleqqussarneqarsinnaanersoq pillugu Naalakkersuisut Royal Arctic Line ingerlaavartumik oqaloqatigisarpaat. Naalakkersuisut maannakkorpiatq isumannaallisaanikkut naammaginarumik, ukiuunerani Tasiilap annertunerusumik pilersorneqarnissaanik qulakkeerisumik, aaqqiissutissarsisimanngillat.

Royal Arctic Line-p tamatuma saniatigut nalunaarutigaa:

"Royal Arctic Line-p novembarip aallartinnerani Tunumut kingullermeertumik angalanissaq pilersaarutigaa, tassami Tasiilap eqqaani nunaqarfiit sikualereertarmata, aammalu qaammatip naajartulernerani sikusinnaanera silarlorujussuarsinnaaneralu malunnaatilimmik aarlerinarsiartuinnartarmat. Ingerlatseqatigiiffik imaatigut angalanerup sivitsoqarnissaanut usisinnaasunik atugassaqqanngilaq, tassami umiarsuit attartorneqartut, imaatigut angallaviup ammanerani atorneqartartut, tamatuma kingorna suliassanut pilersaarutigisaminnut allanut utertussaammata. Royal Arctic Line-p najukkami inuussutissarsiortut ingerlaavartumik oqaloqatigisarpai aammalu sivilunerusumik imaatigut angalasoqartarnissaanik kissaateqarneq paasisinnaallugu, kisianni misilittakkat takutippaat sullitat annerusut angalanissamut pilersaarut aalajangersarneqartoq malillugu

inniminniinissaminnik pilersaarusiortartut, pissutigalugu kingusinnerusukkut tikittarnissaq, taamaalillunilu ataatsimut isigalugu tikittarnerit aappaluttut annertoorujussuarmik nalorninartortaqaarmata."

Tikittarnerit aappaluttut umiarsuaatillip innersuussutigisaat Royal Arctic Linep imaatigut angalanissamut pilersaarutaanni allassimapput. Tikittussat aappaluttumik nalunaaqutsigaasut, umiarsuup apuunnissaa ilimanaateqarpat, ajornanngippat aammalu inuttanut, umiarsuarmut usinullu isumannaallisaanikkullu illersorneqarsinnaappat, aatsaat ingerlanneqartarput.

Apeqquut 3. Naalakkersuisut inissaaleqineq akiorniarlugu suut suliniutiginiarpaat?

a. Namminersorlutik Oqartussat inissialiorniarlutik pilersaaruteqarpat?

b. Inissialiorniluni sanaartortoqassappat qaqugu sanaartorneq aallartinneqassava?

Akissut: Aningaasaqarnikkut killissaliussat iluanni aammalu aningaasanut inatsimmi Inatsisartuni pingaarnersiuinermut naapertuuttumik, nunatsinni inoqarfinni inissaaleqineq iluarsiniarlugu Naalakkersuisut ingerlaavartumik sulipput, ilanngullugit inissialiassanik nutaanik pilersaarusiornikkut pingaarnersiuinikkullu.

2025-mut aningaasanut inatsimmi Tasiilami inuusuttunut inissianik amerlanerusunik (Immikkoortoq 2) sanaartornissamut pilersaarusiornermut aningaasanik immikkoortitsisoqarpoq. Taamaattoq inissiaqarfissatut pilersaarutigineqartumi sanaartorfissagissaanerup Kommuneqarfik Sermersuumit naammassineqarnissaa, kiisalu tamatumunnga aningaasartuutissat, Namminersorlutik Oqartussanit akilerneqartussat, paasinarsisinneqarnissaat, suliassami utaqqimaarneqarput. Suli sanaartorfissanik allanik, kuuffinnut aqqusersuutitut ukiorlu tamaat imermik pilersuinnermut piumasaqaatinik naammassinnittunik, paasinarsisitsisoqanngimmat, kommunip sanaartorfissagissaanera pillugu paasinarsisitsisoqarnissaata tungaanut, neqeroortitsinnermut suliniut kinguartinneqarpoq.

Tassunga tunngatillugu paasissutissiissutigisinnaavara Namminersorlutik Oqartussat illoqarfimmi inissianik attartortittakkanik naleqquttunik nammineq inissiaataarussimammat, tassami taakkua 1. december 2015 Kommuneqarfik Sermersuumut tunniunneqareermata. Taamaalilluni Namminersorlutik Oqartussat maannakkorpiaq Tasiilami inuusuttunut inissianik taamaallaat arfineq pingasunik atugassaqaqtitsivoq.

Apeqquut 4. Ilinniartitaanikkut tunngaviusumik ilinniarfimmik imlt. ingerlariaqqiffiusumik ilinniarfinnik arlaannik Naalakkersuisut pilersitsinissaannik pilersaaruteqarpat?

a. Pilersaaruteqartoqarsimappat qaqugu aallartittoqassava?

Akissut: Ilinniartitaanermut, Kulturemut, Timersornermut Ilageeqarnermullu Naalakkersuisoqarfik paasissutissiivoq:

" Naalakkersuisut Kalaallit Nunaat tamakkerlugu ilinniarfinnik nutaanik kissaateqarnerit pilersitsinissamillu pisariaqartitsineq paasinarsisinniarlugit suliaqartuaannarput, aamma Tasiilami.

Naalakkersuisut Tasiilami ilinniartitaanermut illumik pilersitsinnermi periarfissanik aningaasartuutissanillu nalilersuinissaq aallartippaat,

*tassani illoqarfik angerlarsimaffigisaq ilaqttallu qimattariaqarnagit,
ornigulluni taamatullu internet-ikkoortumik atuartitsisoqarsinnaalluni.
Tamanna pillugu nalunaarusiaq inaarsarneqaleruttoq.*

*Naalakkersuisut tamatuma kingorna nalunaarusiaq tunngavigalugu
pilersaarutit suut ilinniartitaanermut suliassaqaqfiup iluani
piviusunngortinneqarnissaat kissaatigineqarnerseq pillugu
aalajangiisoqarsinnaassalluni."*

Neriutigaara matuma siulianiittuni apeqquutit akineqarsimassasut.

Inussiarnersumik inuulluaqqusillunga



Aqqaluaq B. Egede